



Universitätsbibliothek Paderborn

**Veri & Pii Sacerdotis Idea Seu Vita R. D. Iacobi
Merlo-Horstii, Pastoris B. Mariæ Virginis In Pascvlo
Coloniæ, SS. Theol. Licent.**

Crombach, Hermann

Coloniæ, 1645

Caput 23. Temporis accuratissima ratio in somno, cibo capiendo, conuiuijs
&c.

urn:nbn:de:hbz:466:1-14591

90 *Idea p̄y Sacerdotis*

Pastoralis officia non diligentissimè tantum; sed & perfectissimè summa pietate & sensu animi, cum maxima spectantium edificatione perurgere conaretur, non aliud cor eius erat, os loqui, penna scribere, quam spiritualia norat; quod non modo tot ab ipso p̄ij libelli editi testatum faciunt, verū iij omnes, qui cum viro s̄epiū egerunt, fateri cogentur: ipse enim de diuinis rebus loquendi scribendiq; modus & ardor satis manifestum faciunt, quo spiritu intus ageretur. h̄c ille. Itaque non erat quod ipse vereretur, ne inter homines rediret minor ab hominibus; sed potius gauderet, quod alios à se aliqua sui parte perfectiores dimitteret.

C A P V T XXIII.

Temporis accuratissima ratio in somno, cibo capiendo, cœnuiuijs, &c.

*ep. 9. ad
Lucil.*

*Ratio
a temporis.*

SEnecæ monitum hoc continuò velli-
cabat aurem Iacobi: *Vindica te tibi,*
& tempus, quod adhuc aut auferebatur, aut
surripiebatur, aut excidebat, collige & serua;
persuade tibi hoc sic esse, ut scribo, quadam
tempora surripiuntur nobis, quedam subdu-
cuntur, quedam effluunt, turpisima tamen est
iactura, quæ per negligentiam fit, & si volueris

af-

attendere, maxima pars vite elabitur male agentibus, tota vita aliud agentibus. Quem mihi dabis qui aliquod pretium temporis ponat, qui de em aestimet? Imò temporis posiebat pretium, & horas etiam vel momenta Iacobus aestimabat; nihil male, nihil aliud agenti elabebatur; nihil subducebatur, ne per cibi quidem sumptuinem, nihil auferebatur per intempestiuam colloquia; paucas somno indulgebat horas, in multam noctem ad vndecimam & ultra lucubrare solitus. Primo diluculo *Mand.* vacabat precibus, inde Matutinis cantandis, legendo Sacro, diuinisque officijs & Parochialibus muneribus occupabatur: quod reliquum, studijs impendebat. Prandium quoties sumebat, vel coenam, *In mensa* lectione sacra condiebat, vsus eam in rem versatili pluteo, quod sic adduceret, ut cibi sumptionem neutquam impediret, & tunc potissimum Scripturæ caput euoluebat, nec erat necesse manus oculosque, multum in ferculis diligendis occupare, qui uno ferè contentus, ciborum varietatem ut valetudini noxiā vitabat, simul ut gulam hostis ipse sui capitalissimus frenaret; neque enim ciborum indul-

dulgebat suauitati, sed naturæ seruiebat
necessitati; ad alimenta velut medica-
menta cum S. Augustino adire solitus.

Declinat Coniuia. cùm honestè poterat, declina-
coniuia bat; imitatus S. Chryſtoſtomum, qui
cùm ob incredibilem abstinentiam agrè
posset cibos capere vel conficere, ne con-
uiuis molestior effet eius temperantia,
vitabat. At si subterfugere non liceret,
tantùm ad Vesperarum usque tempus
(quod clepsydrâ secum frequenter ap-
portatâ explorare viſus) accumbebat,
facetus, iucundus, simulq; pius inter epu-
las; vtilitatis semper spiritualis captandæ
memor; eum missionem postulabat: nam
intempestiua coniuia in multas horas
vel noctem prorsus abhorrebat; tempo-
ris enim illius iacturam inæstimabilem
rebatur. Frugalem amicorum vel Reli-
giosorum mensam vtilitatis & honestæ
recreationis gratiâ non inuitus adibat, v-
bi suus staret temperantiæ locus, & ani-
müs docto pioq; colloquio magis quam
epulis pascebatur. In hoc fœlices prædi-
cabat Religiosos, apud quos studia flo-
rerent, quòd à refectione corporis re-
mittere liceret contentionem studiorum

eū.

eruditio colloquio , quo plus s̄epe proficit ingenium aliorum expeditis in quauis facultate & re dubia responsis , quām multarum horarum priuata lectione. Addam , quæ familiarissimus eius in elogio de eo scribit : Omne prop̄ tempus , etiam quod curando corpori destinatum est , aut lectioni , aut studio rerum spiritualium impendebat : maximæ eius delitiae erant libri spirituales & SS. Patrum volumina , quibus idem immorabatur , & imbecillo semper corpore & ægra valetudine , quod de S. Gregorio traditum est , immoriebatur : neque ijs delectabatur solum , sed & pascebatur magis , quām propositis in mensa cibis , vt moriens cum Socrate disceret , comedens & bibens cum S. Hieronymo Dei iudicia volueret : verēq; usurpare illud Ioannis cap. 4. posset : Meus cibus est , vt faciam voluntatem eius , qui misit me. Hæc ille. Ita seruabat præceptum Sapientis : Fili , conserua tempus , Eccl. 14.

& deuita à malo , non defrauderis à die
bono , & particula bona diei non
te prætereat.

* *

*

CA-